

Béeso Ách'ááh Naa'nil Bee Ats'íis Baa Áháya Saad Bá Siláhígíí dóó Azee'ál'ík'ehgo Saad

- Díí saad éí aláahgo bee yádaati' dóó dahane' leh, ákondi doo saad t'áá át'é kwe'é daasdzohda. Saad kwe'é baa hane'ígíí éí bee na'nitin biniyé dóó naaltsoos bik'ehgo naa áháya, plan, biyi'j'í saad éí t'áá áalts'íisigo lahgo ádaat'ée doo. Saad áál yilnínígíí áldó'shíí lahgoó lahgo ádaat'eedoo. Naaltsoos bik'ehgo naa áháyanígíí, plan, biyi'di saad dabikáá'ígíí éí íiyisíí bóhólnííh. (Naaltsoos bik'ehgo naa áháyanígíí, plan, bik'ehgo bíjókí'go hach'í' ál'ííh éí naaltsoos Summary of Benefits and Coverage wolyéhígíí yaa halne'.)
- Dinilzingo dootl'izhgo** bik'i' ashchínígíí éí saad íiyisíí áál jinínígíí yaa halne'.
- Díí naaltsoos díí' ahoolta'hóne' éí **náhaadóó áaltséedi azee'íí'íní haa oolbìjìhígíí t'áá hó bik'é ní'jilééhígíí**, dóó **habéeso lahdóó nijiilé coinsurance wolyéhígíí** dóó **t'áá hó habéeso chojool'ínígíí bíighah yileehdi t'áá át'é há ní'iilyé yileehígíí** baa hane' doo.

Allowed Amount

Azee'íí'íní áda'al'í' báhíhíí beehaz'ánígíí Azee'íí'ínída háká eelwodgo báhíhíí íiyisíí beehaz'ánígíí áál ha'ní. T'áá díí áldó' eligible expense deílní dóó payment allowance deílní éí doodago negotiated rate deílní. Hwe'azee'íí'íní honéél'í'go báhíhíí beehaz'á bilááhgoó bik'é nishishnish níigo éí haashíí néelt'e' bilááh hak'ijí' yiyííłta'ígíí t'áá hó nijilééh. (Balance billing wolyé hóyahgo bikáá')

Appeal

Nihot'áago Doo Hol Aanígóó

Nídínóol'jìlgo.

Hats'áájí **nohoot'áago éí nídínóo'jìl** jííkeedgo.


Balance Billing

Ázee'íí'íní bich'í' níjiyáago **báhíhíí bee haz'ánígíí biláahdi báhah azlìí' níigo béeso bilááhgoó silìí'ígíí hóyókeedgo**. Neeznáadiin béeso báhah azlìí' níigo ákondi tsosts'idiin béeso éí bee haz'áago áádóó tádiin béeso nanilé hałníigo. Azee'íí'íní preferred provider bidi'nínígíí binaanish bik'é azlá beehaz'ánígíí bilááhgoó í'iishłaa dóó ní'doolyéél didooniıl doo bee báhaz'áada.

Co-insurance

T'áá hó habéeso lahdóó azee'íí'íní bich'í' níjilééhígíí. Díí éí insurance bik'ésti'go há é'elyaago báhíhíí bee haz'ánígíí, Allowed Amount, bik'é nizhdoolééhígíí binahjì' wólta'.

Hodi'néél'í'go neeznáadiin béeso báhíhíí bee haz'á bíighahgo bik'é hodi'néél'í'go dóó náhaa dóó bik'ijí' áaltsé haah haajìł t'áá hó bik'é adzisláhígíí, deductible wolyéhígíí altso bíighah ájiilaago kodóó inda co-insurance há yídóolta. Naakidootl'izh bíighahgo, 20% , t'áá hó habéeso nijíléedoo. Ákoh naadiin béeso nizhdooléél, éí óolyé co-insurance.



Jane naaki dootl'izh bíighahgo níyílé	Baa áháyanídeé' tseebíí dootl'izh bíighahgo nidayílé
---------------------------------------	--

Naaltsoos tsosts'id ahooltahti hazhó'ó yaa halne.

Complications of Pregnancy

Asdzání yiltsáago éí doodago alchíigo bits'áadóó anáhoot'i' haleehígíí.

Díí éí amá dóó awée' bich'í' anáhóót'i' hodooleel bits'aa azee'íí'íní haa áháya doo. Jooltsáago abínigo áhósínígíí dóó awée' hatsáádéé' haaltééh éí lahgo át'é, doo kót'éhígíí át'éego baa nitsáhákeesda.

Co-payment


Insurance bik'ísti'go háká o'oolwodgo béeso lahdóo azee'íí'íní bich'í' nijilééhígíí.

Béeso t'áa láhági ánéelt'e' azee' íí'íní háká análwo'go bich'í' ninájlééhígíí, ashdlá'ts'áadah béesoda ajinił. Ánéelt'e' nijilééhígíí éi ał'aa ádanéelt'e'go át'é.

Deductible

Insurance hak'ísti' hahalzish-dóo azee'íí'íní haa oolbiji altsé altso bik'é ni'jilééhígíí.

Insurance hak'ísti' hahalzishdóo azee'íí'íní bich'í' ni'jiléego hahalzish éi ánéelt'e' bíghah ájiiłihdóo inda lahdóo há ni'iilyé yileeh.



Jane t'áa
át'é niyilé

Baa áháyanidéé'
doo niyiléheda

Naaltsoos tsostsid
ahooltahdi hazhó'ó yaa
halne'

Durable Medical Equipment (DME)

Ats'íis baa áháyaádéé' ats'íis yíká analwo' dóo bee jiiná haná'a'niłígíí.

Azee'íí'íní dóo ats'íis baa áháya yeda'aniihii ániigo nılch'i bee náhizhdidziihii, bik'i dah'asdáhá ádił naalbaası, gish, éi doodago hikáni hadił bitahígíí bee naalkaahá chojool'í biniyé haná'a'nił.

Emergency Medical Condition

Yéego ach'í' hodiiznáa'go. Yéego tízhdílyaago, hats'íis haashíí' yit'é silíí'go t'áadoo bahat'aadí yéego ájít'éego ts'íilgo áká e'elyeed bíká hodoot'ih.

Emergency Medical Transportation

Diné yéego át'e silíí'ígíí bee naajaahá. Baa hasti'ígi át'éego hoł nihoozhizhgo bee naho'digéhe.

Emergency Room Care

Azee' ál'jidi tsíilgo dahodi'nél'ínigóne' háká a'doolwoł.

Emergency Services

Yéego ach'í' hodiiznáa'go hodi'nél'íí' dóo háká a'doolwoł. Ájít'éhígíí néel'íí'go binahj'í háká a'doolwoł éi bee doo náas ázhdooniłda biniyé.

Excluded Services

Ats'íis baa áháya dóo azee'íí'íní áká eelwodgo **béeso ách'ááh naa'nilgo haa áháyanidéé' doo yik'é ni'jilééhígíí.**

Grievance

Saad hojishłj'go béeso ách'ááh naa'nilgo haa áháyanídi bił íishjáá ájiléeh. Baa saad hólónígíí naaltsoos bee nizhdoołtsos.

Habilitation Services

Aká ana'alwo'go binahj'í t'áa ákwííj'í **ádaa áháya dóo t'áadoole'é ádá ájil'jigo jiiná bínáho'aah.** Álchíní dahdíníisánígíida doo naagháágóo, doo yáłti'góoda bił na'anishgo íhool'aah. Bina'anishígíí éi ats'íis náak'aas dóo naha'ná ánálnéeh, naanish bíhoo'aah bee náázhdidiááh, hayáti' baah dahaz'áago yájíłti' ánáho'dilnéeh, dóo díkwíígóóshíí baah dahaz'áanii bíká ana'alwo' biniyé níjídaahgo éi doodago biniyé yah ajigháahgo.

Health Insurance

Béeso ách'ááh naa'nil bee ats'íis baa áháyá há bik'é ni'iilyé. Naaltsoos hadil'íih éi bik'é ni'jiiléego binahjì' háká aná'álwo'ígíí bik'é ni'iilyé.

Home Health Care

Haghangì haa áháyá. Haghandi ats'íis baa áháyá yinidaalnishígíí haa nídaakahgo haa ádahalyá dóo hak'i dadéez'íí'.

Hospice Services

Bila'ashdla'ii nihodínóol'áajì' hoolzhishgo baa áháyáago yee hasht'edít'é.

Hospitalization

Azee' ál'íggóne' yah ajíiyáago haa áháyáago hwiiskáago óolyé.

Hospital Outpatient Care

Azee' ál'íggi jiníyáago t'ádoo hwiilkaahá háká o'oolwodgo.

In-network Co-insurance

Azee'íí'íní háká iilwo'go bich'ì' nijilééhígíí. Azee'íí'íní, ha-insurance bee haa áháyá yil naalnishígíí, háká eelwodgo haashíí néelt'e' (t'áá lá'í béeso bee wólta', naaki doot'ízh bíghahgoda) bich'ì' nijilééhígíí. Azee'íí'íní insurance há ni'iilé yil naalnishígíí lahdóo bich'ì' nijilééh éi a'ohgo bááhíí. Insurance doo yil naalnishígíí haa oolbìhgo éi là bááhíí.

In-network Co-payment

Azee'íí'íní, insurance bee haa áháyá yil naalnishgo, háká eelwodígíí bich'ì' nijilééhígíí. Díí éi t'áá láhági ánéelt'e' (ashdla'ts'áada béesoda) t'áá náhodi'nél'íih bik'eh ninájdíléeh leh. Insurance yil naalnishígíí éi t'áá a'ohgo bich'ì' ninájdíléeh insurance doo yil naalnishígíí éi là bich'ì' nizhdooléél.

Medically Necessary

Bee haz'ánii bik'ehgo ats'íis baa áháyá bee áká aná'álwo' éi doodago bee háká i'doolwoíi choo'íigo bee ni'doolkah, na'idídóokií, ats'íis bich'ááh na'anish doo, éi doodago hohodit'i'go, tízhdílyaago, haah dahoo'a'go, éi doodago kódaat'éhígíí áhósínígíí t'áá altso bini'doonish.

Network

Bee ni'doonishii, chodeidoo'ííii, hooghan bá si'áago, dóo azee'íí'íní danilínígíí t'áá át'é béeso ách'ááh naa'nil yee **haa áhályánígíí yee naaltsoos bee aha'deet'ánígíí dahóloqgo**, ats'íis yaa áhályáago bee bá da'íníish. Azee'íí'íní dóo ats'íis baa áháyá yinidaalnishii bíl na'anish éi doodago bá nidaalnishígíí.

Non-Preferred Provider

Azee'íí'íní béeso ách'ááh naa'nil bee ats'íis baa áháyá há hadít'éhígíí doo yil alha'deet'ánígíí. Azee'íí'íní doo bíl alha'deet'ánígíí. Azee'íí'íní kót'éhígíí háká iilwo'go là bich'ì' nijilééh. Naaltsoos ná hadilyaaígíí, policy, díníí'ííí áko éi azee'íí'íní yil alha'deet'ánígíí t'áá altso daats'í chojool'í éi doodago azee'íí'íní bíl alha'deet'ánígíí al'áa át'éego binaanish yááh da'íí'íigo alkéé' haz'á éi bik'ehgo là là bich'ì' nidahalyé

Out-of-network Co-insurance

Azee'íil'íní doo bił alha'deet'ánígíí t'áá hó bich'í' nijiléhígíí. Azee'íil'íní doo insurance há hadít'éhígíí yíł alha'deet'ánígíí béeso yoosbánígíí t'áá lá'í béeso binahjí' wólta'go, percent ha'nínígíí, díí' dootł'izhda bíighahgo (40%), bich'í' t'áá hó nijiléhé.

Out-of-Network Co-payment

Azee'íil'íní doo bił alha'deet'ánígíí t'áá hó bich'í' nijiléhígíí. Azee'íil'íní doo bił alha'deet'ánígíí bee haz'áanii bik'ehgo áká iil'wo'go bááh azlí'ígíí haashíí néelt'e', ashdlá' ts'áadahda, t'áá hó nijiléhígíí óolyé. Azee'íil'íní doo bił alha'deet'ánígíí choo'íigo lá bááhíí.

Out-of-Pocket Limit

Béeso t'áá hó nijiléhígíí beehaz'ánigo bíighah ájiił'íih áádóo índá béeso ách'ááh naa'nil

bee ats'íis baa áháyánidéé' t'áá át'é há

yik'é


ni'iilé yileeh.

Insurance

bee há lá aleehdóo

wólta' leh.

Insurance bik'é ninájidlééhígíí, azee'íil'íní binaanish bilááhgóo t'áá hó bik'é bich'í' nijizla'ígíí, dóo ha-insurance doo yik'é asláadago t'áá hó nijizlá'ígíí éi doo atah wólta'da. Ha-insurance dóo ats'íis baa áháyáádéé' lá' ádaat'é béeso t'áá hó nijiléhígíí doo t'áá át'é dayólta'da: co-payment, co-insurance, insurance hak'ésti' hahalzishdóo aláají' haa oobíih áłtsé áłtso



Jane doo
niyiléhéda

Baa áháyánidéé'
t'áá át'é niyilé

Naaltsoos tsostsid
ahooltahdi
hazhó'ó vaa halne'

t'áá hó ni'jilééh, deductible, dóo azee'íil'íní doo bił alha'deet'á bich'í' na'zhnílá ádaat'éhígíí lá' doo yíł da'ólta'da.

Physician Services

Azee'íil'íní yee háká iilwo'ígíí. Azee'íil'íní (MD-Medical Doctor, éi doodago DO – Doctor of Osteopathic Medicine bee bi'dójí) binaaltsoos yoosbáádóo bee hólóqogo ats'íis baa áháyá yee naalnish dóo háká aná'álwo' há áłkéé' yisnil.

Plan

Bik'ehgo haa áháyá há hadil'íihígíí.

Béeso ách'ááh naa'nil bee át'íis baa áháyá há hadil'íihígíí.

Ats'íis baa áháyá bee haa áháyá dóo áká aná'álwo' bá nijilnishígíída, naalnishí yee lá'í danilí, union, éi doodago azee' bee haa áháyá yee lá'í danilíigo t'áá sahdii dayikah lahdóo bee atah jilíigo há ni'iilyé.

Preauthorization

Azee' ááh ádoolníł, azee' nahidoonih, éi doodago ats'íis yíká anáłwo'í, bee na'adáha da, gishda, nílch'ida ádaat'éi shóidoot'eel insuredéé' bee **áká i'doolwoł t'áá bítséedi há lá aleeh dóo bee nihát'ááh** éi óolyé. Bee yá'át'ééh jidooleelgo éi doodago bee hasht'ezhdít'é doogo t'éi ákól'íih.

Áádóo, prior authorization, prior approval, éi doodago precertification áldó' deilniigo dayózhí. Insurance bee ats'íis baa áháyá ajítahígíí háká i'doolwoł áłtséedi lá ni'iileeh yee has'áa leh, ákondi yéego ach'í' hodiináahgo éi t'áadoo lá aleehé nidi háká i'doolwoł. Insurance kót'éego lá daaniihígíí éi háká o'oolwodígíí bik'é ni'doolyéel doo yee ádeehadoodzí'ígíí át'éeda.

Preferred Provider

Azee'íil'íní iiyisíi choo'ínígíí. Azee'íil'íní ats'íis baa áháyá ha-insurance yíł alha'deet'áago áká iilwo'ígíí. Béeso yik'é háká eelwodígíí lá' béédoo'nilgo há áyíil'íih leh. Naaltsoos ná hadilyaaígíí, policy, díníil'íił áko éi azee'íil'íní yíł alha'deet'ánígíí t'áa altso daats'í chojool'í éi doodago azee'íil'íní al'aa át'éego binaanish yááh da'il'íigo áká adaalwo', "tiered" network wolyé, éi binahjí' béeso lá' bínéi'nilgo bich'í' ni'iilyéhígíí daats'í atah nidaalnish. Insurance bee ats'íis baa áháyánígíí lahda azee'íil'íní yíł alha'deet'áago t'áa áká anídaalwo', participating provider deilní, éi béeso doo lá yéidii'níilda éi doodago áájigo lá bich'í' nizhdooléél.

Premium

Insurance bee ats'íis baa áháyá há hadít'éego bik'é ninájdílééhígíí. T'áa ni éi doodago bá nijilnishígíída yik'é niná'adléeh leh nínádizi'goda, táá' nínádizi'goda, éi doodago nínáhahgoda.

Prescription Drug Coverage

Azee' há bik'é azlá hach'í' bee lá azlíí'ígíí. Insurance bee ats'íis baa áháyá há hadít'éhígíí azee' há ályaago há yik'é ni'iiléhígíí.

Prescription Drugs

Azee' há yéékeedígíí. Azee' al'aa ádaat'éii beehaz'ánii bik'ehgo azee'íil'íní há yóki'ígíí.

Primary Care Physician

Azee'íil'íní (MD-Medical Doctor, éi doodago DO – Doctor of Osteopathic Medicine bee bi'dóji) haa áháyáago ats'íis baa áháyá yee honaalnish dóo hak'i déez'íi'go áká aná'alwo' há alkéé' nayiilnil.

Primary Care Provider

Azee'íil'íní (MD-Medical Doctor, éi doodago DO – Doctor of Osteopathic Medicine bee bi'dóji), azee' neikáhá azee'íil'íní'ehgo naalnishí, azee' neikáhá azee'íil'íní yíł naalnishí, azee'íil'íní yíł naalnishí nitsaahahoodzogóó bibeehaz'ánii bik'ehgo háká adoolwoł dóo ats'íis baa áháyá bił nahaz'áágóó naha'a'go yee hak'i déez'íi'.

Provider

Azee'íil'íní (MD-Medical Doctor, éi doodago DO – Doctor of Osteopathic Medicine bee bi'dóji) éi doodago ats'íis baa áháyá yinidaalnishígíí dóo ats'íis baa áháyá bił nahaz'áágóó nitsaa hadahwiisdzoh bibeehaz'ánii bik'ehgo binaaltsoos bee dahólóogo áká anídaalwo'ii.

Reconstructive Surgery

Na'algizh bee ats'íis hasht'e nál'í. Ats'íis tídílyaago, éi doodago haah dahaz'áago ho'dizhchíigo, éi doodago aah dahaz'á hats'íis yiyíłchxó'go na'algizh bee hasht'éé'oolnííhígíí. Na'algizh bee hona'anish dóo bikéédéé' haa áháyá leh.

Rehabilitation Services

Ats'íís bidziilgo naha'ná ánalnééh.

Hadziil ánáho'dilnééh. Aah dahaz'á bits'áádóó ats'íís doo hazhó'ó naha'náada silíí'dáá' áká aná'alwo' bee nináájii'ná dóó hadziil ánáho'dilnééhgo. Hats'íís náak'áas dóó dilzééh, naanish bee hadziil ánáho'dilnééh, hayáti' hasht'e nálnééh, hanitsékees dóó hání' náalzhoqoh kódaat'éhígíí bee háká i'doolwoł azee' ál'íígóne'da éi doodago biniyé níjídaahgoda.

Urgent Care

T'áá hooshch'í' ach'í' anáhoót'í'

haleehgo áká i'iilyeedígíí. T'áadoo bahat'aadí doo ákójít'éeda biniinaa tsííłgo hodí'nóol'íł bıká hodit'ihgo óolyé. Azee' ál'íídi yéego ach'í' hodiiznáago áká i'iilyeedígíí éi doo óolyéeda.

Skilled Nursing Care

Azee' neikáhá haa áhályánígíí. Azee' neikáhá t'áá haghandida éi doodago aa'adahayáadi da áká aná'alwo yéedahósinggo nidaalnish. Azee' neikáhák'ehgo naalnishí éi azee'neikáhá yıká anídaajahgo haa ádahalyá.

Specialist

Azee'ííł'íní ats'íís al'áá át'éego bíł nahaz'áadi biniyé azee'ál'í bee naneestáá' dóó yaa da'ííł'ta'ígíí. Baa áháhayánígíí, patients, bich'í' anídahazt'i'ígíí bik'ehgo nahalkaah dóó haa áhályá dóó azee' aah ííł'í ihodidoot'ih bich'ááh haa áhályá. Doo azee'ííł'íní nilíígóó ałdó ats'íístahdi nahaz'ánígíí bina'anish bee nanees'táa'go nidaalnish.

UCR (Usual, Customary and Reasonable)


Azee'ííł'íní bich'í' nihelyé bíhoneesdinígíí. Bíla'ashdla'ii łahgo bíł haz'áago azee'ííł'íní áká anáalwo' yik'é nidayiiléhígíí. Áká aná'alwo' bik'é nihelyé bee hasht'e' ní'ıldee'ígíí éi łahda bik'ehgo azee'ííł'íní binaanish bááhíłínígíí beehaz'ánii, allowed amount, ál'íih.

Hait'éegosh Béeso Ach'áah Naa'nil bee ats'íis baa áháýáádéé' bíl ahéézhdi'niigo báah azlíí'ígú bik'é ní'iilyé? – Binahjí' Ak'idi'dootjilgo Baa Hane'


Bik'ehgo Jane baa áháýá, plan, náahdóó áłts'é niidoolééhígíí: \$1,500; Łahdóó ninéídlééh: Naaki dootł'izh Biihahgo, 20%; nijiilé bíighah ájiil'íih: \$5,000

- ♦ *Yanilt'ees T'áá Lá'í Yoolkááldóó*
- *Níłch 'itsoh tádiin dóó bí'aan t'áá lá'í yookáát*


- ♦ *Naaltsoos Hadilyaago ilí silíí'dóó náasjí'*
- *Naaltsoos Hadilyaaígú Bee I'í'á*



Ní'iilé



Ní'iilé



Jane áłtsé haah haajil nijilééhígíí t'áá lá'á dimíil dóó bí'aan ashdladi neezná diin, \$1500.00, yileehda.

Haa áháýánidéé' doo ła' niyiléeda doo.

Azee'íł'íní haa yoosbá: \$125
Jane niidooléél: \$125
Baa áháýánidéé' niilyé: \$ 0

Jane áłtsé baah háajil \$1500.00 bíighah siljigo niiníla, k'ad éi łahdóó ninájdídlééh, co-insurance wolyéhígíí nijiilé. Jane azee' íł'íní \$1500.00 yich'í' niiníla. Náánádzáago baa áháýánidéé' ní'iléedoo.

Azee'íł'íní baa yoosbá: \$ 75
Jane naakidootł'izh
bíighahgo niidooléél: \$ 15
Baa áháýánidéé' tseebíidootł'izh
bíighahgo niidooléél: \$ 60

Jane ashdlá' dimíil yázhí, \$5,000.00 t'áá bí bibéeso, out of pocket limit, azee'íł'íní bich'í' nayiizla'go bíighah áyiilaa. Kodóó éi baa áháýánidéé' baa ní'ibijihígíí baa áháýánidéé' t'áá át'é niyíilé náahaij'í.

Azee'íł'íní baa yoosbá: \$ 200
Jane niidooléél: \$ 0
Baa áháýánidéé' niilyé: \$ 200